

9.1978 縮，完全要看以上的兩點能否辦到了。（國綱）

藏軍何又侵康

去歲達賴圓寂，吾人以爲正宜及時解決西藏問題，乃遷延迄今，已三閱月之久，非特不見有解決之端緒，今又以藏軍侵康開矣。

當達賴圓寂未幾，曾一度傳聞侵康之藏軍退還原防。然據三月六日申報南京專電，劉文輝迭電報告，藏軍約五百人會同大金寺武裝喇嘛千人強度通天河後，又復猛攻德格，戰事激烈，請派軍援助並補充軍實。蒙藏委員會據情呈報行政院軍委會請示辦理，並電請藏當局飭前方軍隊停止軍事行動，聽候和平解決。從藏軍人數言，不過一團之衆，劉軍有數萬之多，論理儘足阻其前進，無庸張皇。但藏軍居然已渡金沙江東進，果劉軍軍實不足有以使然乎？抑藉口軍實不足未嘗方圖抵抗乎？

親英派之藏人素有建立大西藏之迷夢，故侵略西康，可謂必然之結果，初不因達賴圓寂而受影響，是可斷言也。所可疑者，現在西藏當局是否確有擁護中央之誠意？據三月七日中央社電，西藏駐京代表貢覺仲尼語人：康藏衝突，僅見報載，本處並未接西藏政府來電，現在西藏執政當局擁護中央，頗具熱忱，據本人推測，日前與康軍衝突者，絕非正式藏軍，或係大結寺喇嘛報復仇恨。異哉貢覺仲尼之言也！西藏當局果有擁護中央之誠意，何以任令大結寺喇嘛自由行動，侵入德格，停戰成約定有駐軍界線，大結寺喇嘛何得以私仇而破公約？西藏當局有約束部

下之責任，部下自由行動，若非出於當局之授意，則必當局已無控制部下之能力。

西康毗連四川青海雲南，爲西南之屏障。藏軍之有背景，吾人已習聞之。故如藏軍得志於西康，不啻爲帝國主義者進一步侵略之成功。所以藏軍侵康之危險，不可與內地甲省軍閥火併乙省軍閥同論。日俄鯨吞蠶食滿蒙，令人不寒而慄。今康藏問題又久懸不決，長此以往，康藏能不爲滿蒙之續乎？達賴圓寂，吾人早已主張宜及時解決西藏問題，乃政府當局遷延不決，坐令西康又遭蹂躪。藏軍侵康，若出於西藏當局之授意，則西藏當局豈肯因蒙藏會之一電而令前方軍隊停止軍事行動，若出於自由行動，西藏當局既無力控制部下，蒙藏會去電亦於事無補，事理至爲明顯。

西藏問題自其過去情形觀之，則我不解決之，必有爲人解決之一日。再從目前國際形勢觀之，爲人解決之危機，日益迫切。何可再事因循玩忽？中央威信素著，固不難以政治手段解決藏事，然在滿蒙被人鯨吞蠶食之今日，藏人目中早無中央，欲望其俯首帖耳聽我之命令，非至愚則狂妄耳。爲今之計，應速令班禪前往西康，曉諭藏軍，限期退還原防。一面迅派威望素著之大員率領川滇勁旅駐康，以爲後盾。藏軍聽命，則班禪和平入藏，主持藏事；藏軍不聽命，則發兵痛剿，並護送班禪入藏。無論用和平方法與否，班禪入藏後第一件事，應將西康全土收回，明定康藏境界。然後指導班禪促進藏人自治，準備與英國重訂藏印商約。（允恭）